

Furmar libramain l'opiniun – scumandà da discriminar

Autorità da recurs da radio e televisiun 2019

DA GIUSEP CAPAUL/FMR

■ **L'onn 2019 èn entrads 30 recurs tar l'Autorità da recurs independenta davart radio e televisiun (AIRR). 25 proceduras èn vegnidas liquidadas. Tar trais cas è vegnì constatà ina violaziun dal dretg da program.** Fertant ch'igl è vegnì inoltrà a l'Autorità 30 recurs, han ils otg posts da mediaziun da la SSR e dals realisaders privats, suttamess a l'Autorità, registrà l'onn passà en tut 636 reclamaziuns. 4,7 % da quellas èn idas vinavant tar l'Autorità da recurs. Ils posts da mediaziun dals realisaders da radio e televisiun n'han nagina cumpetenza da decider, mabain intermediéschan tranter ils participads.

Dals recurs, vegnids inoltrads a l'Autorità da recurs – per part èn els sa drizzads vers pliras publicaziuns – han 19 pertutgà la Svizra tudestga, trais la Romandia ed otg la regiun italoфона. 25 recurs èn sa drizzads cunter publicaziuns da la SSR e tschintg programs da realisaders privats. En tut èn 24 emissiuns televisivas vegnidas crititgadas, bler dapli che talas da radio u online (cun mintgami trais).

Objects da recurs èn stads en la maiortad emissiuns da novitads e d'autras infurmaziuns. En il focus eran contribuiziun



Ulteriuras infurmaziuns èn cuntegnidas en il rapport annual 2019 gist cumpari en tuts quatter linguatgs nazionals. MAD

uns davart temas actuals sco retschertgas giuridicas, midada dal clima, dretg d'armas, protecziun dals consumers, custs da tgira, cannabis, violenza chasana, agid da murir, conflicts en Catalogna ed el Proxim Orient sco era partidas ed interpresas. Crititgada è surtut vegnida ina

preschentaziun na cumpletta dals fatgs sco era ina reportascha unilateral, tendenziusa e na equilibrada. Concernent il dretg da program è perquai il cumond d'esser objectiv stà en il center che protegia la libertad da furmar libramain in'opiniun tar il public.

Dals 35 recurs liquidads ha l'Autorità constatà en trais cas ina violaziun dal dretg. Per l'emprima giada ha ella approvà in recurs pervia da violaziun dal scumond da discriminaziun. I sa tracta d'ina preschentaziun stereotipica d'ina dunna en il rom d'emissiuns davart il Campiunadi mundial da ballape 2018 tras SRF. Crititgà è vegnì il caracter sexist d'ina sequenza che ha reduci il fan feminin sin ils characteristics sexuals secundars, quai che n'è betg vegnì relativà tras in context umoristic.

Tar ina emissiun da la televisiun privata Tele Top, pertutgant in cas da proteger animals, n'ha il public betg pudì furmar in'atgna opiniun, siond ch' ils maletgs mussads eran na vairs e l'infurmaziun relevanta mancava. – Ina contribuiziun da la «Rundschau» da la televisiun davart il «Fall Maudet» ha l'Autorità approvà, essend che SRF ha intermedià in maletg unilateral e tendenzius davart il politicher genevrin. Questa decisiun è vegnida tratga vinavant al Tribunal federal e n'è anc betg en vigor.